

Na osnovu člana 13. Zakona o prekršajima protiv javnog reda i mira ("Službene novine Kantona Sarajevo", broj 18/07), člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00) i člana 36. stav 1. tačka 2. Statuta Općine Ilidža ("Službene novine Kantona Sarajevo", broj 5/98), Općinsko vijeće Ilidža, na 25. redovnoj sjednici, održanoj 31. oktobra 2007. godine, donijelo je

ODLUKU

O PREKRŠAJIMA PROTIV JAVNOG REDA I MIRA NA PODRUČJU OPĆINE ILIDŽA

I - OPĆE ODREDBE

Član 1. (Predmet)

Ovom Odlukom uređuje se javni red i mir na području općine Ilidža, utvrđuju prekršaji i prekršajne sankcije koje se izriču počinocima prekršaja, a koji nisu propisani Zakonom o prekršajima protiv javnog reda i mira.

Član 2. (Prekršaji protiv javnog reda i mira)

Prekršaji protiv javnog reda i mira, u smislu odredaba ove Odluke, su djela kojima se na nedozvoljen način remeti mir, rad i normalan način života građana, stvara neraspoloženje, uznemirenost ili ometa kretanje građana na ulicama i drugim javnim mjestima, ili se na drugi način narušava javni red i mir uređen ovom Odlukom.

Član 3. (Prekršajne sankcije)

Za prekršaje protiv javnog reda i mira, u skladu sa ovom Odlukom, može se izreći novčana kazna.

Član 4. (Značenje izraza)

Pojedini izrazi upotrijebljeni u ovoj Odluci imaju slijedeće značenje:

- "Javno mjesto" u smislu odredaba ove Odluke je javno mjesto definisano članom 4. Zakona o prekršajima protiv javnog reda i mira ("Službene novine Kantona Sarajevo", broj 18/07).
- "Vraćanje" je korištenje lakovjernosti lica, najčešće proricanjem sudbine, odnosno budućnosti koje se odvija za novac ili drugu protivuslugu.

II - PREKRŠAJI PROTIV JAVNOG REDA I MIRA I PREKRŠAJNE SANKCIJE

Član 5. (Prekršaji i novčane kazne za fizička lica)

- Novčanom kaznom od 100,00 KM kaznit će se za prekršaj:
 - ko uznemirava stanare upotrebom telefona, zvonceta ili interfona ili kucanjem na vrata stana bez potrebe, kao i radi prodaje robe, gatanja ili proricanja sudbine ili pružanja usluga koje nisu ugovorene,
 - ko pršće prolaznike vodom prilikom pranja ulica, pločnika ili dvorišta, zalijevanja vrtova ili travnjaka ili iz vozila u pokretu,
 - ko pere motorna vozila ili prosipa motorna ulja na mjestima na kojima to nije predviđeno,
 - ko pere čilime i slične predmete ispred zgrada ili ko istresa tepihe, jorgane, posteljine i druge tkanine sa balkona stambenih zgrada,
 - ko prodaje novine ispred ili na raskrsnicama,
 - ko napasa krupnu i sitnu stoku na javnim površinama bez odobrenja nadležnog organa ili tjera stoku u područjima zabrane,

- ko se kupu u rijekama i sunča uz obale rijeka u urbanim dijelovima naselja, kao i na drugim mjestima koja nisu za to namijenjena, a izložena su vidiku.
- Novčanom kaznom od 150,00 do 450 KM kaznit će se za prekršaj:
 - ko baca na prolaznike i vozila led ili snijeg savijen u grudve, kamenje ili druge predmete ili ko baca na prolaznike predmete, hranu ili prosipa tekućinu iz zgrada ili ogradenih prostora,
 - ko pere prozore ili druga stakla na vozilima ispred i na raskrsnicama,
 - ko piše grafite, lijepi plakate i drugi propagandni materijal po fasadama i ulazima zgrada, javnim prijevoznim sredstvima, spomenicima, potpornim zidovima, reklamnim panoima i sl.,
 - ko lomi ili na drugi način oštećuje ili uništava sadnice i rasad na javnim površinama,
 - ko se vješa ili penje na sredstva javnog gradskog saobraćaja ili ko iskače, izlazi ili se naginje iz sredstava javnog gradskog saobraćaja,
 - ko se bavi kupovinom radi prodaje bioskopske ili druge ulaznice radi zarade, kao i na mjestu koje nije određeno u tu svrhu,
 - ko pomjera kontejnere za smeće sa mjesta koja su utvrđena odlukom nadležnog organa ili ko odlaže smeće mimo kontejnera ili ko pali vatru u i oko kontejnera za smeće ili ko ošteti kontejner za smeće,
 - ko ulazi ili se okuplja u napuštenim privatnim ili državnim objektima,
 - ko postupa sa životinjama na način koji izaziva uznemirenje ili negodovanje građana, ili ko ne ističe upozorenje na opasnost na ulazu u zatvoreno dvorište ili drugi ogradeni prostor gdje su smještene opasne životinje ili ko uvodi opasne životinje u prodavnice ili slične objekte, ili ko kupu životinje ili ne ukloni nečistoće iza životinja na javnom mjestu,
 - ko surovo postupa sa životinjama, izaziva ih ili podstrekava na borbu, ili ko kolje životinje na javnom mjestu, izuzev u dvorištima i baštama individualnih stambenih objekata za vrijeme vjerskih praznika,
 - ko šutiranjem lopte u fasade zgrada, reklame, panoe, ograde i u vozila u mirovanju uznemirava stanare i prolaznike,
 - ko loži vatru na površinama prilikom čišćenja bašta i njiva, a pri tome spaljuje neekološki i zagađujući materijal (guma, plastika i slično),
 - ko u svojstvu fizičkog ili pravnog lica poslije izvođenja radova na infrastrukturi površinu ne dovede u prvobitno stanje,
 - ko u svojstvu vlasnika ili zakupca stambenog objekta, porodične zgrade, zgrade kolektivnog stanovanja i poslovnog objekta drži nečistim i zapuštenim pripadajuće ili dijelove trotoara, ulaza i prilaza u objekte,
 - ko kao učesnik u saobraćaju iz vozila u stanju kretanja ili mirovanja izbacuje otpad (opuške, kese, papir, flaše i sl.).
 - Novčanom kaznom od 200,00 do 600,00 KM kaznit će se za prekršaj:
 - ko se bavi vraćanjem, proricanjem sudbine ili sličnim obmanjivanjem, ili ko objavljuje oglase, propagira ili na drugi način građane poziva ili podstiče da se podvrgnu vraćanju ili proricanju sudbine, ili ko u vraćanju na bilo koji način pomaže licu koje se bavi tim aktivnostima,
 - ko, u svojstvu posjetioca, unosi alkoholna pića u sportske ili kulturne objekte za vrijeme održavanja sportskih i kulturnih manifestacija,
 - ko konzumira alkohol na otvorenim prostorima, parkovima, ispred prodavnica i drugim prostorima koji za to nisu predviđeni,

- d) ko nedozvoljeno koristi javnu površinu bez odobrenja nadležnog organa,
- e) ko prodaje robu ili pruža usluge na javnim površinama bez odobrenja nadležnog organa,
- f) ko neovlašteno izvodi radove na instalacijama i provlači nove instalacije u stambenim zgradama za čije je izvođenje potrebno odobrenje i saglasnost nadležnog organa,
- g) ko na javnim i vjerskim skupovima, u ugostiteljskim objektima nosi predmete podobne za nanošenje tjelesnih povreda,
- h) roditelj, usvojilac, odnosno staralac maloljetnika koji je učinio prekršaj protiv javnog reda i mira propisan ovom Odlukom, ako je izvršenje prekršaja posljedica njegovog propuštanja dužnog staranja o maloljetniku, a u mogućnosti je da takav nadzor vrši.

Član 6.

(Prekršaji i novčane kazne za pravna i odgovorna lica)

Novčanom kaznom od 2.000,00 KM do 6.000,00 KM će se kazniti pravno lice, odnosno novčanom kaznom od 200,00 do 600,00 KM odgovorno lice u pravnom licu, za prekršaje iz člana 5. stav (1) tačka c), stav (2) tačka m), stav (3) tačke c), d), e), i f) ove Odluke.

Član 7.

(Prihodi)

Prihod ostvaren naplatom novčanih kazni propisanih ovom Odlukom je prihod Budžeta Općine Ilidža.

III - OSTALE ODREDBE

Član 8.

(Provođenje odredaba Odluke)

Za provođenje odredaba ove Odluke nadležna je policijska uprava, izuzev kada postoji osnovana sumnja da su počinjeni prekršaji iz člana 5. stava (3) tačke d), e) i f) ove Odluke, za čije provođenje su nadležni odgovarajući inspeksijski organi.

Član 9.

(Privremeno oduzimanje predmeta)

- (1) Kada u vršenju službenih poslova i zadataka saznaju za prekršaj propisan ovom Odlukom, policijski službenici ili

inspektori mogu privremeno oduzeti predmete koji su upotrijebljeni ili su bili namijenjeni za izvršenje prekršaja, ili koji su nastali izvršenjem prekršaja, kao i predmete koji mogu poslužiti kao dokaz u prekršajnom postupku.

- (2) O privremenom oduzimanju predmeta policijski službenici ili inspektori, licu od kojeg su oduzeti predmeti koji su upotrijebljeni ili su bili namijenjeni za izvršenje prekršaja izdaju potvrdu koja sadrži: naziv i sjedište organa čiji je policijski službenik ili inspektor oduzeo predmete, naziv, vrstu i količinu oduzetih predmeta, ime i prezime lica od koga su oduzeti predmeti i njegovu adresu, razlog oduzimanja, datum, vrijeme i mjesto oduzimanja, pečat i potpis policijskog službenika ili inspektora.

Član 10.

(Postupak sa oduzetim predmetima)

Odredbe člana 11. Zakona o prekršajima protiv javnog reda i mira ("Službene novine Kantona Sarajevo", broj 18/07) odgovarajuće se primjenjuju i kada je u pitanju postupak za oduzete predmete za prekršaje koji su propisani ovom Odlukom.

Član 11.

(Ravnopravnost spolova)

Gramatička terminologija korištenja muškog ili ženskog roda u ovoj Odluci podrazumijeva uključivanje oba roda.

Član 12.

(Prestanak primjene važeće Odluke)

Danom stupanja na snagu ove Odluke prestaje da važi Odluka o javnom redu i miru ("Službene novine Kantona Sarajevo", broj 21/03).

Član 13.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-1870/07-3

31. oktobra 2007. godine
Ilidža

Predsjedavajući
Pero Šimunović, s. r.